Mazarin 2638

L'Oygnon, ov l'union, qui fait mal...



RARE BOOK COLLECTION



THE LIBRARY OF THE UNIVERSITY OF NORTH CAROLINA AT CHAPEL HILL

> Mazarin 2638

L'OYGNON,

OV

L'VNION, QVIFAIT MAL

A


MAZARIN,

Auec quelques autres pieces du temps, contre luy.



A PARIS.

M. DC. XLVIIII.



海南西西西南南南南部 流·流·湖南南南南南南南南南

LOYGNON

L'VNION, QVI FAIT MAL

MAZARIN,

Auec quelques autres pieces du temps, contre luy.



V'est-ce que cest Arrest d'oygnon, ou d'v-Qui nous cause tant de grabouge? nion Dit tout triste à son compagnon Le Pantalon au bonnet Rouge. Lors vne semme qui l'entend,

Et pense que par moquerie L'vnion des Cours il pretend Ainsi tourner en raillerie.

C'est oignon te sera pleurer, Et ne pourras le digerer Dist elle alors toute en colere;

Vne autre dist: tu te deçois, Cest Italien, ma commere, Ne faict qu'escorcher le François.

> 944.03 M475m No. 2638

Iules Mazarin conseillé de songer à

SONNET.

Aictes vostre pacquet, l'homme à sa rouge-teste, Courez viste chercher vostre païs Latin II fait plus seur pour vous sur le mont Auentin, Qu'il ne faict à Paris auec les Enquestes.

Voiez de toutes parts l'orage qui s'appreste, Et que vostre sortune en est sur le declin Celuy dont vous portez le nom, vit son destin; Finir dans le Senat par vn coup de tempeste.

Croyez que vostre sort sera pareil au sien: Car les Peres Conscripts sçauent bien le moyen D'abbaisser soubs les loix le plus Eminent homme:

Gardez-vous de choquer ce sacré tribunal; Et retournez plustost estre Mercure à Rome, Que de trahir l'Estat au Palais Cardinal.

Sur le nom de Iules.

RONDEAV.

N Iules, plustost vn malin
Gouuerne auiourd'huy dans la France
Vn Roy qui nous donne esperance
De voir le Danube, & le Rhin
Rangez soubs son obeissance:
Mais guidé par ce Tabarin,
Il n'aura iamais la puissance
Qu'acquit ladis par sa valeur
Vn Iules.

Bien que d'vn Bonnet purpurin

to reasonable many a light



S'il est grand, c'est en apparence De science il n'a pas vn brin Etne vaut pas en conscience Vn Iules.

Sur les Escuries de Mazarin.

SONNET.

Rgueilleux bastiment où l'Iniuste abondance Monstre au peuple l'Autheur de sa necessité, Sang-sues qui sans voix reprochent à la France Ou son peu de courage, ou sa stupidité!

Ie ne puis contempler vostre magnificence, Que d'vn Esprit bouillant, & d'vn oëil irrité, Voiant que les cheuaux sont traittez d'Eminence,

Et qu'on les va loger en ceste qualité.

Nonie ne vous puis voir esclattante escurie!

Que d'vn libre discours soudain ie ne m'escrie:

O trop sensible abus d'vne minorité!

L'on peut croire aisement dans le siecle où nous somTout ce que des Tyrans a dict! Antiquité,
Puisque par les cheuaux l'on fait manger les hommes.

Pour Mazarin, la Riviere, & d'Hemery.

TRois hommes de basse naissance
Le Cardinal, & d'Hemery,
Et cet insolent fauory
Qui peut tout sur Gaston de France,
Sans honneur & sans iugement
L'esprit plein de dereglement
N'ont pour but que de nous dessaire:
François preuenons ces mal-heurs,
Et pour conseruer cest Empire
Faictes pendre ces trois voleurs.

Sur le depart au Surintendant d'Hemery, pour aller à Tanlay, in continent aprez sa disgrace.

'Hemery ne t'en va pas Iules te suit pas à pas, Attens-le.

Requeste presentée aux quatre Compagnies Souueraines vnies ensemble.



Rbitres de nos destinées, Astres qui sur nostre horizon, Ramenez la belle saison, Aprés tant de tristes iournées! Que vos soings les fruicts de nos vœux

Fassent pour vous & nos nepueux Tout ce que le Ciel vous inspire Pour vn peuple persecuté, En rendant à ce grand Empire

Sa premiere felicité.

Des commencements si prosperes Nous flattent d'vnsiecle plus doux: Et l'Estat vous regarde tous Comme ses veritables Peres: Ce tiltre vous est glorieux, Et toute la France à ses yeux Dessurs vostre auguste puissance: Puis qu'estants iuges souuerains, Vous tenez dans vostre balance Le bien & le mal des humains.

Le Ciel aydant vostre courage, A vostre glorieux deuoir A remis enfin le pouuoir Pour acheuer ce grand ouurage: Poussez d'vn si beau mouuement Seruez vous glorieusement

De l'autorité qu'il vous donne, Et que vostre saince vnion Ne souffre pas qu'on la soupçonne

D'vne lasche corruption.

Pauure France que l'onaccable,
Pour t'auoir trop tiré de sang!
Tant de Vautours rongent ton slanc
Que tu n'és plus recognoissable:
Mais tes maux ont assez duré,
Et bien-tost vn siecle doré
Rendra tes plaintes assoupies:
Tu mangeras ton pain sans pleurs,
Et l'on chassera les harpies
Qui s'engraissent des tes mal-heurs.

C'est vne venimeuse insecte
Qui cause la mortalité,
Etquissattant l'authorité,
La rend odieuse & suspecte:
Ces grands voleurs dignes des fers
Ne doiuent point estre soussers
Auec vn commerce si lasche,
Tous leurs supposts soient abolis,
Et ne soussers vne tache
Qui ternir l'esclat de nos lis.

Vainement les hommes d'affaires,
Taschent de diuertir leur sort,
La fortune ne saict effort
Que sur des ames mercenaires;
Et vostre zele non suspect
Ne desere pointau respect
Ny d'interest, ny d'alliance:
Et le salut de deux ou trois
Vous est de moindre consequence
Que celuy de tous les François.

Regardez sages politiques Dans nos villes & dans nos champs, Et vous verrez que ces meschans Sont comme des pestes publiques: Tout le pays est desolé, Ils ont tout pris, & tout pillé, Sans respect de sexe, ny d'aage: Ce ne sont que pleurs & que cris, Et par tout se trouue l'image Du reste d'vn fascheux debris.

Assez a troublé nostre ioye
Leur insolente cruauté;
Assez à leur auidité
Nous auons tous seruy de proye:
Ces gens de tous hais & crains
Perdent mesmes les Souuerains;
La disette de leurs Prouinces
Oste la sorce à leurs proiets,
Et l'incommodité des Princes
Vient de celle de leurs subiets.

Il reste donc que nostre barque Si long-temps exposécaux slots, Par desi sages matelots Soit conseruée à son Monarque: Que de ce peril euident Nous passions au contentement D'vn sort quin'ayt plus d'amertume: Que commençans à respirer, Nous changions ensin la coustume De ne iamais rien esperer.

Quand nos mal-heurs seront sinis,
Parmy des voluptez si pures,
Tous nos esprits seront vnis:
Ces reproches, & ces murmures,
Ces desordres éuanoüis
N'empescheront plus que Louis
N'aille comme vn foudre de guerre
Par tout se faire couronner,

Luy qu'à Rocroy toute la terre Vit vaincre aussi-tost que regner.

D'vn potentat la gloire est grande,
Qui des nations est vainqueur
Mais Themis luy gagne le cœur
De tous les peuples qu'il commandes
La douceur du Gouvernement
Fait porter bien plus gayement
Le ioug d'vne grandeur supreme,
Et l'insolent mespris des Loix
Est la cheute des diadémes
Qui ceignent le front de nos Rois.

Vaincre les cœurs est vne gloire
Qui n'est point subiete aux hazards:
Auguste l'honneur des Cæsars
De Rome eust ainsi la victoire
Les Regnes violens sont courts,
Et le fer ne peut pas tousiours
Ces seux domestiques esteindre
Que la haine peut allumer;
Et c'est peu que se faire craindre,
Si l'on ne sçait se faire aimer.

Signalera vostre vertu:
Releuer l'estat abbattu
Cest ceuillir d'eternelles palmes:
Rendez de mon Roy quoy qu'enfant,
Le Regne heureux & triomphant
Et monstrez à toute la France
Par des propices changements,
Que vos Loix & vostre puissance
En sont les plus seurs fondemens.

Iules aduerty de ce qu'il doit craindre par les Enfarinez.

AIR NOVYEAV.

Rand Cardinal que la fortune Qui t'esleue en vn si hautrang, Ne te fasse oublier tons ang Et que tu es de la commune:

Car l'on sçait fort biendans ces lieux Quelle peut estre ta famille, Car l'on sçait fort bien dans ces lieux Quel est ton pere, & tes ayeulx.

Fais en sorte qu'il te souuienne Qu'vn Italien comme toy

Dans la minorité d'vn Roy

Aprés auoir bien fait des siennes,

Fut enfin par reuers du fort, Quoy que Fauory de la Reyne, Fut enfin par reuers du fort Iustement puny de la mort.

Quoy que fauory de la Réyne Autant que tu l'es auiourd'huy

Enfin il a esté puny Pour auoir faist tant de fredeines

> Prends garde que les mescontens Ne t'en fassent bien-tost de mesme, Prends garde que les mescontens Ne t'en fassent bien-tost autant.

Velle pitié de voir en nostre Franco
Tant de voleurs & de secrets filoux
Qui sans licence
Comme des Loups
Succent le sang des peuples les plus doux,
Qu'en direz-vous?

Ce grand sceleur & bourlier de France Fait vnamas de testons & de souls

Pour bien-seance

L'or le plus dous,

Passe les monts conduit par des hibous:

Qu'en dites-vous?

Ce gros Pourceau qu'on nomme Particelle, A tant donné d'argent pour quelques coups A sa donzelle,

Qu'il nous faict tous

Mourir François & manger parles pous.

Qu'en dites vous?

Cebon Boucher justrument de maltoste Nepassera iamais au rang des fous. ियो मार्गावी समा है से तहा है से द्वार महा

Sans cesse il oste Pistoles & souls:

Si ces voleurs s'entendent ainsi tous

Qu'endites-vous?

Vous les voiez, il vous faut satis-faire Etappronuer ce que vous voulez tous Et pour desplaire

A ces cagous.

Mon Parlement prononcera pour vous:

Qu'endites-vous?

Naples, Courtray, Beaufort, & la Paulette Et de la paix la publication Troublent la teste

Del ce Coyon

S'ilfautlaisserl'estatàl'abandon:

Qu'en dira-on?

Quand Guenegaud auec grande huée Fut par les clercs chassé comme vn poltron, Si l'assemblée, Outre l'affront

Eust decharge quelques coups de baston, Qu'en diroit-on?

Sur la comparaison de Mazarin auec le Cardinal. de Richelieu.

On dit que la comparaison
Du grand Armand auec Iules
Seroit bien aussi ridicule
Que d'vn Aigle auec vn oyson,
Ou d'vn barbe auec vne mule.

L'Humeur de Iules Mazarin.

O N dit, & on ne dit pas mal Que nostre belle armée de Flandre Rend tout, & ne sçauroit rien prendre: Au contraire du Cardinal, Qu'il prend tout, & ne sçait rien rendre.

FIN.

Canni Green gawlausegrandehuse.



